

wücher/was von 20. fl. Facit 4. fl.

Verzunder Sprich/12. monat/ gebürt sich
4. fl. wücher zü geben/was von 14. monat.
Facit 4. fl. 14. zwölffer/Die addir zü 20. fl.
das ist 24. fl. 14. zwölffer/Souil gebürt dem
Juden/das nim von 26. fl. so der Jud erstlich
begert/so finstu/was er züuil gefodert hab.

Exempel von gewin vnd gewins gewin.

Item einer legt 25. fl. inn ein handel/2. Jar
vmb gewin vnd gewins gewin/wen die zwey
Jar vergangen sein/so empfecht er wider für
hauptgüt/gewin/vnd gewins gewin/49. fl.
Ist die frag/was der gewin/des ersten jar ge-
wesen sey? Facit 10. fl. vnd 14. fl. der gewin/
des hauptgüts/mit dem gewin/des andern
jars.

Multiplir die hauptsumm inn den gewin/
kumen 600. Desgleichē multiplicir/die haupt-
summ in sich selbst. Facit 625. Beyde zal ad-
dir züsammen/werden 1225. Darauß Radix
quadrata/thüt 35. Davon zeuch 25. fl. haupt-
güt/Rest das erst Jar 10. fl. gewin/Solche 10.
fl. tragen mit sampt dem hauptgüt/als 25. fl.
Das ander jar/auch gewin.